

Ժամանակ Գարբանդում կային Հայեր, թէ ոչ՝
 մեզ յայտնի չէ, բայց գաղթականութիւնից
 յետոյ այդ քաղաքում Հայերի մեծ բազմու-
 թիւն կար: Մեծամասնութիւնը, ի հարկէ, Շահ-
 արբաս ուղարկեց Սպահանի նահանգը: Քա-
 ղաքացիներին բնակեցրեց Սպահանում, Քեա-
 շանում, Ղազվինում, իսկ գաւառացիներին՝
 Սպահանի շրջակայ աւաններում եւ գիւղե-
 րում: Ահա այն քաղաքները, գաւառներն եւ
 գլխաւոր գիւղերը, ուր բնակեցրին Հայերին. —
 Ղազվին, Քեաշան, Սպահան քաղաքները:
 Սպահան նահանգի հետեւեալ գաւառները —
 Աշնան, Լնջան, Գանդիման, Զղախոռ, Փէրիա,
 Բուրվար, Քեաղաղ, Քեամարա, Գեաիլա,
 Քեարվանդ եւ Ղարաղան: Աշնան եւ Լնջան
 գաւառները Սպահանից 4—5 փարսախով հե-
 ոռ են եւ բաղկացած են, առաջինը՝ 7, երկրորդը
 10 գիւղերից. Գանդիման եւ Զղախոռ գաւառ-
 ները հեռու են 14 փարսախով ու բաղկացած
 են 5 գիւղերից. Փէրիան 22 գիւղ ունի, իսկ
 Բուրվարը՝ նոյնպէս 22: Վերոյիշեալ բոլոր 66
 գիւղերի անուններն են: — Մշաղբուր, Փիդուն,
 Զաղուան, Քափաշան, Բանդարի, Քուրուջ եւ
 Մէմիդ. — Փարթուն, Զուդուն, Զուզուն, Քի-
 լիսուն, Փելարդ, Բուրուղարդ, Սէմսուն, Խու-
 նապէք, Միտագիւն եւ Քեալէ. — Ահմատա-
 բադ, Սիրաք, Գիշնիգան, Լիւասիան, Զիւրի-
 գիան, Ֆանդիգան. — Հաղարջօրիք, Մէդանակ,
 Փընստան, Աղչայ, Տաշքեալան, Բոլորան, Խունկ,
 Խնկիրանայ, Շահբուայ, Շուրիշկան, Միլագերդ,